



1

GIPUZKOAKO LURRALDE HISTORIKOKO XEDAPEN OROKORRAK

GIPUZKOAKO FORU ALDUNDIA

OGASUN ETA FINANTZA DEPARTAMENTUA

153/2023 Foru Agindua, apirilaren 5ekoa, «Hondakinak zabortegietan uzteagatik eta haien errausketa edo koerhausketagatik ordaindu beharreko zerga. Autolikidazioa» izena duen 593 eredu onetsi, hura aurkezteko era eta prozedura ezarri eta zergaren zergapekoak lurralde erregistroan inskribatzeko modua arautzen duena.

Apirilaren 3ko 9/2023 Legearen bidez (haren bitartez maiatzaren 23ko 12/2002 Legea aldatu da, Euskal Autonomia Erkidegoarekiko Ekonomia Ituna onesten duena), hitzartuta geratu da, besteak beste, hondakinak zabortegietan uzteagatik eta haien errausketa edo koerhausketagatik ordaindu beharreko zerga berezia, lehen aipatu dena, eta Ekonomia Itunaren 34 quater artikuluan haren ituntze arauak sartu dira. Hala, zerga hori Estatuak une bakoitzean ezartzen dituen arau substantibo eta formal berberen arabera arautuko da.

Hala ere, lurralde historikoetako erakunde eskudunek karga tasak handitu ahal izango dituzte, lurralde erkidean une bakoitzean indarrean dauden muga eta baldintzen barruan. Era berean, lurralde historikoetako erakunde eskudunek aitortzen eta ordainketa ereduak onartzeko eta likidazioaldi bakoitzeko ordainketa epeak ezartzeko ahalmena izango dute. Baina eredu horietako datuak, gutxienez, lurralde erkidean erabiltzen diren berberak izan beharko dira; eta epe horiek, berriz, ezingo dira izan Estatu Administrazioak ezarritakoez oso bestelakoak.

Hondakinei eta lurzoru kutsatuei buruzko apirilaren 8ko 7/2022 Legeak, ekonomia zirkularra bultzatzekoak, ekonomia zirkularra bultzatzeko neurri fiskalen artean, besteak beste, hondakinak zabortegietan uzteagatik eta haien errausketa edo koerhausketagatik ordaindu beharreko zerga sortu zuen 2023ko urtarrilaren 1etik aurrerako ondorioekin.

Zerga hori ingurumena babesteko tresna ekonomiko gisa eratzten da; hondakinak berrerabiltzea eta birziklatzea sustatzen du, eta pizgarririk gabe uzten ditu hondakinen hierarkia printzipioaren arabera hain onuragarriak ez diren beste aukera batzuk. Zeharkako tributu gisa egituratzen da, zeina hondakinei aplikatzen baitzaie, kontuan hartuta kudeaketa eragiketen xede izaten direla zabortegietara eramaten direnean ezabatuak izateko, edo errausketa edo koerhausketa instalazioetan uzten direnean ezabatzeko edo haien balorizazio energetikoa egiteko.

Zergaren ordainarazpena foru aldundiei dagokie baldin eta zergari lotutako hondakinak entregatzen diren zabortegia edo errausketa zein koerhausketa instalazioa beren lurraldean kokatzen bada.

Zergaren zergapekoak erregistroan inskribatzea eta erroldatzea foru aldundiei dagokie, zergaren xede diren hondakinak entregatzen diren zabortegeiak edo errausketa zein koerrausketa instalazioak Euskadin kokatuta daudenean.

Hondakinei eta lurzoru kutsatuei buruzko apirilaren 8ko 7/2022 Legeak, ekonomia zirkularra bultzatzekoak, 88. artikuluan xedatutakoaren arabera, honako hauek izango dira tributu honetan zerga egitatea: zergaren aplikazio lurraldean kokatuta dauden zabortege baimenduetan hondakinak entregatzea, haiek ezabatzeko, zabortege horiek titulartasun publiko zein pribatukoak izan; zergaren aplikazio lurraldean kokatutako errausketa instalazio baimenduetan hondakinak entregatzea, ezabatzeko edo haien balorizazio energetikoa egiteko, instalazio horiek titulartasun publiko zein pribatukoak izan; eta zergaren aplikazio lurraldean kokatutako koerrausketa instalazio baimenduetan hondakinak entregatzea, ezabatzeko edo haien balorizazio energetikoa egiteko, instalazio horiek titulartasun publiko zein pribatukoak izan.

Hondakinak zabortegetan uzten direnean edo hondakinen errausketa edo koerrausketa instalazioetan errausten edo koerrausten direnean gertatuko da zergaren sortzapena.

Zergaren zergadun izango dira pertsona fisiko edo juridikoak eta Gipuzkoako Lurralde Historikoko Zergen Foru Arau Orokorrak (martxoaren 8ko 2/2005 Foru Araua) 35.3 artikuluan aipatzen dituen entitateak, zerga egitatea gauzatzen dutenean.

Pertsona fisiko edo juridikoak eta Gipuzkoako Lurralde Historikoko Zergen Foru Arau Orokorrak (martxoaren 8ko 2/2005 Foru Araua) 35.3 artikuluan aipatzen dituen entitateak zergadunaren ordezkotako subjektu pasibo izango dira baldin eta zabortegeien edo errausketa edo koerrausketa instalazioen kudeatzaileak badira zerga egitatea egiten dutenak izan gabe.

Hondakinei eta lurzoru kutsatuei buruzko apirilaren 8ko 7/2022 Legeak, ekonomia zirkularra bultzatzekoak, 84. artikulutik 97. artikulura bitartean arautzen dituen beste alderdi batzuk alde batera utzi gabe, adierazi behar da ezen zergadun gisa edo, kasua bada, haien ordezkotako gisa jarduten duten subjektu pasiboek hiru hilean behin hiruhileko natural bakoitzean sortutako kuoten autolikidazioa aurkeztu beharko dutela, bide telematikoz. Era berean, autolikidazioak aurkeztera behartutakoek, jarduera hasi aurretik, nahitaez izena eman beharko dute hondakinak zabortegetan uzteagatik eta haien errausketa edo koerrausketagatik ordaindu beharreko zergaren lurralde erregistroan.

Zerga hau ordaindu behar duten zergapekoen errolda eta horiek lurralde erregistroan inskribatzeko prozedura foru agindu bidez arautuko dira.

Gipuzkoako Lurralde Historikoko zerga kudeaketari eta zerga arloko jarduketara eta prozeduren arau komunei buruzko Erregelamenduak, apirilaren 21eko 5/2020 Foru Dekretuaren bidez onetsiak, 66. artikuluan dioenez, Zergen Foru Arau Orokorreko 94.3 artikuluan aurreikusitakoaren ondorioetarako, zerga autolikidazioen eta gainerako aitopenen ereduak Ogasun eta Finantza Departamentuko foru diputatuak onetsiko ditu, eta berak ezarriko du horiek nola, non eta zein epetan aurkeztu eta, kasua bada, zerga zorra non, nola eta noiz ordaindu.

Azaldutakoagatik, bidezkoa da alde batetik onestea Ekonomia Itunean sartu eta gorago aipatu diren erregelen arabera ordainarazpena Gipuzkoako Foru Aldundiari dagokionean zerga autolikidatzeko erabiliko den ereduak, eta, bestetik, hura aurkeztera behartuak, eta aurkezteko epeak, baldintza orokorrak eta prozedura arautzea. Era berean, arauak ezartzen ditu hondakinak zabortegetan uzteagatik eta haien errausketa edo koerrausketagatik ordaindu beharreko zerga bereziaren lurralde erregistroan egin beharreko inskripzioari buruz eta hondakinaren identifikazio kodeari buruz.

Horrenbestez, hau

1. artikulua. 593 eredu onestea.

Onesten da 593 eredu, «Hondakinak zabortegietan uzteagatik eta haien errausketa eta koerhausketagatik ordaindu beharreko zerga. Autolikidazioa» izenekoa, foru agindu honetan I. eranskin gisa ageri dena.

2. artikulua. 593 eredu aurkeztera behartuak eta aurkezteko epeak.

1. Zergadunaren ordezeko diren subjektu pasiboek, edo, hala badagokio, zergadun direnek, hiruhileko natural bakoitzean sortutako kuotak jasoko dituen autolikidazio bat aurkeztu behar dute, bide elektronikoz, hiru hilean behin, eta harekin batera, zerga zorra ordaindu.

2. 593 ereduaren aurkezpena eta, hala badagokio, zerga zorraren ordainketa, likidazio aldia, hau da, hiruhileko naturala, amaitu eta hurrengo hilabetearen lehen hogeita bost egun naturalen barruan egingo da, urtarrilean egin behar den aurkezpenaren kasuan izan ezik, azken hori hil horren 31ra arte egin ahal izango baita.

3. artikulua. 593 eredu aurkezteko modua, baldintza orokorrak eta prozedura.

1. «Hondakinak zabortegietan uzteagatik eta haien errausketa eta koerhausketagatik ordaindu beharreko zerga. Autolikidazioa» izena daraman 593 eredu bide elektronikoz aurkeztuko da, Interneten dagoen «Zergabidea» plataforma erabilia, betiere ekainaren 28ko 320/2017 Foru Aginduak, Gipuzkoako Lurralde Historikoko Zergen Foru Administrazioarekiko harremanetan bitarteko elektronikoak erabiltzeko obligazioa arautzen duenak, ezarritakoaren arabera.

«Zergabidea» plataforman <https://zergabidea.gipuzkoa.eus> atarian dago eskuragarri. Bertan sartzeko, beste bi bide hauek ere erabili daitezke: Gipuzkoako Foru Aldundiaren egoitza elektronikoa <https://egoitza.gipuzkoa.eus/eu/> eta Ogasun eta Finantza Departamentuaren webgune ofiziala <https://www.gipuzkoa.eus/es/web/ogasuna>.

2. 593 ereduaren aurkezpena eta, kasua bada, kuoten ordainketa subjektu pasiboetako bakoitzak egin beharko du, oro har. Jarduera egiten den establezimendu bakoitzeko, autolikidazio bat aurkeztu beharko dute zergapekoek.

4. artikulua. Hondakinak zabortegietan uzteagatik eta haien errausketa edo koerhausketagatik ordaindu beharreko zergaren lurralde erregistroan inskribatzea.

1. Jarduera egiteko erabiltzen duten establezimendua Gipuzkoan kokatuta badago, Ogasun eta Finantza Departamentuaren lurralde erregistroan inskribatzeko eskatu beharko dute honako hauek:

a) Hondakinak ezabatzeko entregak egiten diren zabortegi baimenduen kudeatzaileek, zabortegi horiek titulartasun publiko zein pribatukoak izan.

b) Hondakinak ezabatzeko edo balorizazio energetikoa egiteko entregak egiten diren errausketa instalazioen kudeatzaileek, instalazio horiek titulartasun publiko zein pribatukoak izan.

c) Hondakinak ezabatzeko edo balorizazio energetikoa egiteko entregak egiten diren koerhausketa instalazioen kudeatzaileek, instalazio horiek titulartasun publikoko zein pribatukoak izan.

2. Aurreko apartatuan aipatutako zergapekoek inskripzio eskaera bat aurkeztu beharko dute, eta hari dokumentazio hau erantsi:

a) Ordezkaritzaren frogagiriak, zergapekoak ordezkari bidez jarduten duenean.

- b) Inskripzioaren xede den jarduera deskribatzen duen memoria, jarduera ekonomikoen gaineko zergan zein epigrafe dagokion adierazita.
- c) Jarduera egiteko erabiltzen duen establezimenduaren identifikazioa eta deskribapena.
- d) Sektoreko araudi espezifikoan ezarritako dokumentazioa, inskripzioa egin beharra sortu duen jarduerak hala eskatzen duenean.
- e) Zergadunen ordezkoez ziurtagiri bat aurkeztu beharko dute egiaztatzeko pisatze sistemak behar bezala homologatuta daudela, apirilaren 8ko 7/2022 Legearen 95.7 artikuluan xedatutakoarekin bat.

Lurralde erregistroan inskribatzeko eskaera jarduera hasi aurretik egin beharko da, bide elektronikoz, Gipuzkoako Foru Aldundiaren egoitza elektronikoa erabilita.

3. Eskaera jaso eta behar den espedientea tramitatu ondoren, kudeaketa bulegoak erabakiko du, hala badagokio, zergaren lurralde erregistroan inskribatzea.

Interesdunari inskribatzeko erabakia jakinaraziko zaio, baita inskripzioa frogatzen duen txartela ere, zeinak hondakinaren identifikazio kodea (HIK) adieraziko baitu, hain zuzen ere, foru agindu honen 5. artikuluan araututakoa.

5. artikulua. Hondakinaren identifikazio kodea.

1. Hondakinaren identifikazio kodea (HIK kodea) artikuluko 2. apartatuan ezarritako eran konfiguratu da, eta hondakinak zabortegetan uzteagatik eta haien errausketa edo koerrausketagatik ordaindu beharreko zergaren lurralde erregistroan inskribatzen diren zergapekoak identifikatzen ditu.

2. Kodeak 13 karaktere izango ditu, honela banatuak:

- a) Lehen bi karaktereak ES letrak izango dira.
- b) Hirugarren, laugarren eta bosgarren karaktereak zeroak izango dira, non eta Ogasun eta Finantza Departamentuaren titularrak zeroen ordezkariak beste karaktere batzuk jartzea erabakitzen ez duen.
- c) Seigarren eta zazpigarren karaktereak identifikatzen dute lurralde erregistroko inskripzioa zein kudeaketa bulegotan egiten den.
- d) Zortzigarren eta bederatzigarren karaktereak garatzen den jarduera identifikatzen dute artikuluko 4. apartatuan ezarritako eran.
- e) Hamargarren, hamaikagarren eta hamabigarren karaktereak adierazten dute zein den lurralde erregistroan inskripzio zenbaki sekuentziala jarduera bakoitzaren barruan.
- f) Hamahirugarren karakterea kontrol letra bat izango da.

3. Subjektu pasiboek jarduerak adina inskripzio kode lortu beharko dituzte, eta jarduera garatzeko establezimenduak erabiltzen badituzte, establezimenduak adina kode.

4. Onesten dira hondakinak zabortegetan uzteagatik eta haien errausketa edo koerrausketagatik ordaindu beharreko zergaren jarduera gakoak, artikuluko 2.d) apartatuan aurreikusitakoak, jarraian zerrendatzen direnak:

— RV: Zabortege baimendua, titulartasun publiko zein pribatukoa, hondakinak ezabatzeko eragiketak egiten dituenak.

— RI: Hondakinak errausteko instalazio baimendua, titulartasun publiko zein pribatukoa, hondakinak ezabatzeko edo haien balorizazio energetikoa egiteko eragiketak egiten dituen.

— RC: Hondakinak koerrausteko instalazio baimendua, titulartasun publiko zein pribatukoa, hondakinak ezabatzeko edo haien balorizazio energetikoa egiteko eragiketak egiten dituen.

Xedapen gehigarri bakarra. Datu pertsonalen tratamendua.

Bere eskubideak eta zerga betebeharrak betez zergapekoak ematen dituen datu pertsonalak zerga sistema aplikatzeko tratatuko dira. Tratamendu horrek bat etorri beharko du Europako Parlamentuaren eta Kontseiluaren apirilaren 27ko 2016/679/EB Erregelamenduari eta Datu Pertsonalen Babesari eta eskubide digitalen bermeari buruzko abenduaren 5eko 3/2018 Lege Organikoarekin.

Lehen xedapen iragankorra. Foru agindua indarrean jarri aurretik hasitako jarduerak lurralde erregistroan inskribatzea.

Hondakinak zabortegetan uzteagatik eta haien errausketa edo koerkausketagatik ordaindu beharreko zergaren lurralde erregistroan inskribatu behar diren zergapekoek foru agindu hau indarrean jartzen denetik 2023ko maiatzaren 25era arteko epea izango dute inskripzioa eskatzeko.

Aurrekoa gorabehera, zergapekoak, foru agindu hau indarrean jartzen den unean, inskribatuta badaude abenduaren 28ko HFP/1337/2022 Aginduan aipatzen den lurralde erregistroan (HFP/1337/2022 Agindua, «Hondakinak zabortegetan uzteagatik eta haien errausketa edo koerkausketagatik ordaindu beharreko zerga. Autolikidazioa» izeneko 593 eredia onetsi, hura aurkezteko era eta prozedura ezarri, haren zergapekoak zergaren lurralde erregistroan inskribatzeko modua arautu eta inskripzio txartelaren eredia onesten duena), ofizioz inskribatuko dira hondakinak zabortegetan uzteagatik eta haien errausketa edo koerkausketagatik ordaindu beharreko zergaren Gipuzkoako Foru Aldundiaren lurralde erregistroan.

Bigarren xedapen iragankorra. 593 eredia aurkezteko epe berezia.

Foru agindu honen 2. artikuluan aurreikusitakoa gorabehera, 2023ko lehen hiruhilekoari dagokion 593 eredia, «Hondakinak zabortegetan uzteagatik eta haien errausketa edo koerkausketagatik ordaindu beharreko zerga. Autolikidazioa» izeneko, aurkezteko borondatezko epea 2023ko maiatzaren 25era arte luzatuko da.

Azken xedapen bakarra. Indarrean jartzea eta ondorioak izatea.

Foru agindu hau Gipuzkoako ALDIZKARI OFIZIALEAN argitaratu eta hurrengo egunean jarriko da indarrean, eta 2023ko lehen hiruhilekoari dagokion autolikidaziotik aurrera aplikatuko da.

Donostia, 2023ko apirilaren 5a.—Ogasun eta Finantza Departamentuko foru diputatua. (2659)



593 autolikidazio ereduaren "Zerga tasa (2.2)" eremuan bete beharreko kodea

Código a cumplimentar en el campo "Tipo impositivo (2.2)" del modelo de autoliquidación 593

Kodea Código	Eragiketa mota Tipo de operación	7/22 Legearen art. Art. Ley 7/22	Zerga tasa Tipo impositivo
RA	Udal hondakinak hondakin ez-arriskutsuen zabortegetan uztea Depósito en vertederos de residuos no peligrosos de residuos municipales	93.1a) 1º	40 €/Tm
RB	Udal hondakinen errefusak hondakin ez-arriskutsuen zabortegetan uztea Depósito en vertederos de residuos no peligrosos de rechazos de residuos municipales	93.1a) 2º	30 €/Tm
RC	Aurrekoak ez bezalako hondakinak hondakin ez-arriskutsuen zabortegetan uztea oro har, aurretiatzko tratamendutik salbuetsita daudenean. Depósito en vertederos de residuos no peligrosos de residuos distintos de los anteriores eximidos de tratamiento previo, con carácter general	93.1a) 3º1	15 €/Tm
RD	Aurrekoak ez bezalako hondakinak, % 75etik gorako hondakin geldoa dutenak, hondakin ez-arriskutsuen zabortegetan uztea, aurretiatzko tratamendutik salbuetsita daudenean, hondakin geldoaren zatiagatik Depósito en vertederos de residuos no peligrosos de residuos distintos de los anteriores eximidos de tratamiento previo con residuo inerte >75%, por la parte del residuo inerte	93.1a) 3º2	3 €/Tm
RE	Aurrekoak ez bezalako hondakinak, % 75etik gorako hondakin geldoa dutenak, hondakin ez-arriskutsuen zabortegetan uztea, aurretiatzko tratamendutik salbuetsita daudenean, gainerako zatiagatik Depósito en vertederos de residuos no peligrosos de residuos distintos de los anteriores eximidos de tratamiento previo con residuo inerte >75%, por el resto	93.1a) 3º2	15 €/Tm
RF	Bestelako hondakin motak hondakin ez-arriskutsuen zabortegetan uztea, oro har Depósito en vertederos de residuos no peligrosos de otro tipo de residuos, con carácter general	93.1a) 4º1	10 €/Tm
RG	Bestelako hondakin motak, % 75etik gorako hondakin geldoa dutenak, hondakin ez-arriskutsuen zabortegetan uztea, hondakin geldoaren zatiagatik Depósito en vertederos de residuos no peligrosos de otro tipo de residuos con residuo inerte >75%, por la parte del residuo inerte	93.1a) 4º2	1,5 €/Tm
RH	Bestelako hondakin motak, % 75etik gorako hondakin geldoa dutenak, hondakin ez-arriskutsuen zabortegetan uztea, gainerako zatiagatik Depósito en vertederos de residuos no peligrosos de otro tipo de residuos con residuo inerte >75%, por el resto	93.1a) 4º2	10 €/Tm
RI	Aurretiatzko tratamendutik salbuetsitako hondakinak hondakin arriskutsuen zabortegetan uztea Depósito en vertederos de residuos peligrosos de residuos eximidos de tratamiento previo	93.1b) 1º	8 €/Tm
RJ	Bestelako hondakin motak hondakin arriskutsuen zabortegetan uztea Depósito en vertederos de residuos peligrosos de otro tipo de residuos	93.1b) 2º	5 €/Tm

Kodea Código	Eragiketa mota Tipo de operación	7/22 Legearen art. Art. Ley 7/22	Zerga tasa Tipo impositivo
RK	Aurretzako tratamendutik salbuetsitako hondakinak hondakin geldoen zabortegetan uztea Depósito en vertederos de residuos inertes de residuos eximidos de tratamiento previo	93.1c) 1º	3 €/Tm
RL	Bestelako hondakin motak hondakin geldoen zabortegetan uztea Depósito en vertederos de residuos inertes de otro tipo de residuos	93.1c) 2º	1,5 €/Tm
RM	Udal hondakinak errausteko instalazioak, udal hondakinekin D10 motako deuseztatze eragiketak egiten dituztenak Instalaciones de incineración de residuos municipales que realizan operaciones de eliminación D10 a residuos municipales	93.1d) 1º	20 €/Tm
RN	Udal hondakinak errausteko instalazioak, udal hondakinen errefusekin D10 motako deuseztatze eragiketak egiten dituztenak Instalaciones de incineración de residuos municipales que realizan operaciones de eliminación D10 a rechazos de residuos municipales	93.1d) 2º	15 €/Tm
RO	Udal hondakinak errausteko instalazioak, aurrekoak ez bezalako hondakinekin D10 motako deuseztatze eragiketak egiten dituztenak Instalaciones de incineración de residuos municipales que realizan operaciones de eliminación D10 a residuos diferentes de los anteriores	93.1d) 3º	7 €/Tm
RP	Udal hondakinak errausteko instalazioak, udal hondakinekin R01 motako balorizazio eragiketak egiten dituztenak Instalaciones de incineración de residuos municipales que realizan operaciones de valorización R01 a residuos municipales	93.1e) 1º	15 €/Tm
RQ	Udal hondakinak errausteko instalazioak, udal hondakinen errefusekin R01 motako balorizazio eragiketak egiten dituztenak Instalaciones de incineración de residuos municipales que realizan operaciones de valorización R01 a rechazos de residuos municipales	93.1e) 2º	10 €/Tm
RR	Udal hondakinak errausteko instalazioak, aurrekoak ez bezalako hondakinekin R01 motako balorizazio eragiketak egiten dituztenak Instalaciones de incineración de residuos municipales que realizan operaciones de valorización R01 a residuos diferentes de los anteriores	93.1e) 3º	4 €/Tm
RS	Hondakinak errausteko beste instalazio batzuk, udal hondakinak badira Otras instalaciones de incineración de residuos si se trata de residuos municipales	93.1f) 1º	20 €/Tm
RT	Hondakinak errausteko beste instalazio batzuk, udal hondakinen errefusak badira Otras instalaciones de incineración de residuos si se trata de rechazos de residuos municipales	93.1f) 2º	15 euros/Tm
RU	Hondakinak errausteko beste instalazio batzuk, aurrekoak ez bezalako hondakinak badira eta R02, R03, R04, R05, R06, R07, R08, R09, R12, D08, D09, D13 edo D14 motako tratamendu eragiketarik jasaten ez badute Otras instalaciones de incineración de residuos si se trata de residuos diferentes de los anteriores no sometidos a operaciones de tratamiento R02, R03,R04,R05,R06,R07, R08, R09, R12, D08, D09,D13 o D14	93.1f) 3º	5 €/Tm
RV	Hondakinak errausteko beste instalazio batzuk, gainerako hondakinak badira Otras instalaciones de incineración de residuos si se trata de resto residuos	93.1f) 4º	3 €/Tm

<i>Kodea</i> <i>Código</i>	<i>Eragiketa mota</i> <i>Tipo de operación</i>	<i>7/22 Legearen</i> <i>art.</i> <i>Art. Ley 7/22</i>	<i>Zerga tasa</i> <i>Tipo impositivo</i>
RW	Hondakinen koerusketarako instalazioetan koerustutako hondakinak Residuos coincinerados en instalaciones de coincineración de residuos	93.1g)	0 €/Tm